



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-237-4/25**

Datum: **19.09.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica EDSELL d.o.o. Gradačac za izdavanje Prethodne vodne saglasnosti u postupku pribavljanja urbanističke saglasnosti za izgradnju propusta na katastarskoj čestici vodnog dobra označenoj kao k.č. broj 247 K.O. Gradačac II, Grad Gradačac, na osnovu člana 139. stav (1), a u vezi sa članom 12. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99, 61/22), **donosi**

R J E Š E N J E

1. Odbija se zahtjev pravnog lica EDSELL d.o.o. Gradačac za izdavanje Prethodne vodne saglasnosti u postupku pribavljanja urbanističke saglasnosti za izgradnju propusta na katastarskoj čestici vodnog dobra označenoj kao k.č. broj 247 K.O. Gradačac II, Grad Gradačac, kao neosnovan.

O b r a z l o ž e n j e

Pravno lice EDSELL d.o.o. Gradačac obratilo se sa zahtjevom za izdavanje prethodne vodne saglasnosti u postupku pribavljanja urbanističke saglasnosti za izgradnju propusta na katastarskoj čestici vodnog dobra označenoj kao k.č. broj 247 K.O. Gradačac II, Grad Gradačac.

Uz zahtjev je dostavljena slijedeća dokumentacija:

- Aktuelni izvod iz sudskog registra Općinskog suda u Tuzli od 22.04.2025. godine;
- Mišljenje Gradske službe za komunalne poslove i prostorno uređenje Grada Gradačac, broj: 06/1-19-2149/25 od 08.07.2025. godine;
- Kopija katastarskog plana, razmjera 1:1000, broj plana: 8 K.O. Gradačac II, izdato od strane Gradske službe za imovinsko-pravne i geodetske poslove, Grad Gradačac;
- Zemljišnoknjižni izvadak broj: 4602 i 4289, K.O. Gradačac II, izdati od strane Zemljišnoknjižnog ureda Općinskog suda u Gradačcu dana 11.06.2025. godine;
- Posjedovni list broj 4718 izdat od strane Gradske službe za imovinsko-pravne i geodetske poslove Grada Gradačac, broj: 09-26-2448/25-2 dana 21.04.2025. godine;
- Vodna studija u postupku pribavljanja prethodne vodne saglasnosti za izgradnju propusta na katastarskoj čestici vodnog dobra navedenu kao k.č. broj 247 K.O. Gradačac II, Grad Gradačac, urađenu od strane ATRIUS projekt d.o.o. Živinice, maj 2025. godine;
- Dokaz o uplati upravne pristojbe.

Nakon izvršenog uvida u dostavljeni zahtjev i priloženu dokumentaciju, te kroz Informacioni sistem voda – ISV i Rješenje o određivanju granice vodnog dobra uz vještačku akumulaciju Vidara na području općine Gradačac za K.O. Gradačac II i K.O. Vida, br. UP-I-05-25/8-421-3/11 od 25.05.2011. godine, utvrđeno je da se predmetna parcela k.č. 247 nalazi u vodnom dobru uz vještačku akumulaciju Vidara, koja pripada vodama I kategorije.

- Vještačka akumulacija Vidara, zbog značaja koji ima za upravljanje vodama u skladu sa članom 5. Zakona o vodama („Službene novine Federacije BiH“, broj: 70/06, u daljem tekstu: ZOV), koja pripada vodama I kategorije, kao i zemljišne čestice uz ovu akumulaciju (shodno članu 7. i 9. ZOV-a), koje pripadaju javnom vodnom dobru, u nadležnosti su Agencija za vodno područje rijeke Save Sarajevo.
- Na osnovu podataka iz vašeg zahtjeva je konstatovano da je predmetni saobraćajni priključak planiran na dijelu zemljišne čestice k.č. broj 247 K.O. Gradačac II, tj. u vodnom dobru.
- Iz dostavljene Studije vidljivo je da je, u cilju izgradnje saobraćajnog priključka za stambeno-poslovni objekat planiran na parceli k.č. broj 246/5 K.O. Gradačac II, Grad Gradačac, planirano zacjeljenje

kanala u dužini od 6.5 m uzvodno od postojećeg propusta na magistralnoj cesti M 14b, na dijelu zemljišne čestice označene kao k.č. broj 247 K.O. Gradačac II.

- Navedena zemljišna čestica se u potpunosti nalazi unutar granica vodnog dobra uz vještačku akumulaciju Vidara na području općine Gradačac za K.O. Gradačac II. Za predmetnu zemljišnu česticu važe zabrane iz člana 12. ZOV-a, gdje je na vodnom dobru zabranjena gradnja objekata koji nisu objekti javne infrastrukture.

U skladu sa gore navedenim, na osnovu odredbi člana 12. ZOV-a, izgradnja saobraćajnog priključka za potrebe stambeno – poslovnog objekta unutar granica vodnog dobra ne spada u zahvate koji su dozvoljeni u vodnom dobru (jer isti nije naveden kao objekat javne infrastrukture), izdavanje bilo kakve saglasnosti bilo bi u suprotnosti sa odredbama Zakona o vodama («Službene novine Federacije BiH», broj: 70/06), s toga je riješeno kao u dispozitivu rješenja.


Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac Sektora za izdavanje vodnih akata


Nihad Pezo, dipl.inž.građ.

Dostaviti:

- ESELL d.o.o. Gradačac, ul. VI Bataljona bb, 76250 Gradačac
- AVP, ISV – Vodna knjiga
- Sektor 40, arhiva
- Oglasna ploča, AVP Sava